

第三九八冊

明倫彙編

閩媛典

閩孝部

閩義部

閩烈部

(卷)

三—完

四—四

五—五

古今圖書集成

中華書局影印

圖書集成
彙編
考索典

卷一百一十五

目錄

七

古今圖書集成

中華書局影印

欽定古今圖書集成明倫彙編閩媛典

第二十八卷目錄

閩孝部列傳七

皇清二

汪弘量妻王氏	王如恩妻李氏
楊六斤妻馮氏	孫不振妻左氏
羅綱妻王氏	劉氏
劉氏	馮碧妻張氏
良應妻趙氏	熊起麟妻廖氏
黃鳴陽妻熊氏	黃衛妻楊氏
花氏女	毛上達妻王氏
傳汝阜妻李氏	劉九疑妻朱氏
馬有妻彭氏	王可榮媳趙氏
汪漆妻丁氏	鄭晉德妻吳氏
汪氏女	程顯爵妻孫氏
程朝節妻汪氏	程氏
黃氏女	程廷安妻李氏
邵氏二女	程祖聖妻汪氏
王文諧妻董氏	左乾孫妻趙氏
孔尚坤媳方氏	魯天璧妻邵氏
張旭妻孫氏	曹臺岳妻方氏
龍氏女	王朝科妻吳氏
劉光祖妻董氏	汪大成妻張氏
張氏女	鈕成惠妻楊氏
郭可妻陸氏	郭婦徐氏
張氏女	仲氏
林質彬妻黃氏	陳或妻裴氏

仇兆麟妻徐氏	王紹妻錢氏
孫復儒妻金氏	王婦李氏
吳琳妻周氏	徐名昭妻張氏
莊天澤妻呂氏	呂南妻莊氏
荆世祥妻于氏	張與可妻何氏
喬肅妻王氏	魯志仁妻吳氏
韓日暹妻孫氏	韓日暹繼室梁氏
萬芬妻徐氏	熊國泰妻王氏
姜國楨妻張氏	吳玳妻韋氏
王維慶妻陳氏	沈蘭妻葉氏
楊毓和妻何氏	叢魁林妻徐氏
王氏女	陸氏女
王貴一妻李氏	朱應辰妻仲氏
楊永齡妻羅氏	潘俊妻吉氏
蔡昂妻李氏	顧氏女
莊和妻朱氏	宋芳妻李氏
葛一鶴妻周氏	葛一麟妻仲氏
仲汝彝妻汪氏	湯輅妻王氏
蔡鼎金妻艾氏	徐大器妻周氏
陳琨妻朱氏	李廷樞妻成氏
王司理妻雷氏	杭躍龍妻王氏
賈得正妻莊氏	王德崇妻林氏
柳存贊妻俞氏	石應瑞女
金用乾母金氏	趙桂妻華氏
許苗妻丁氏	田及時妻王氏
戴崑妻張氏	壤嘉祐妻李氏
張鼎煥妻張氏	傅大為妻卜氏

張星妻梁氏	李大權妻汪氏
胡適夏妻劉氏	王錫民妻趙氏
張建鼎妻黃氏	馮大受妻華氏
吳國琰妻黃氏	姜文詔妻楊氏
王家汲女	王都妻何氏
馬希聖妻王氏	李東璧妻孫氏
陳憲妻吳氏	方朔年妻李氏
徐小峰姘妾楚氏	丁毅生妻李氏
莊民悅妻陳氏	張天牧妻李氏
丁鴻雯妻何氏	紀成妻李氏
張貞妻丁氏	羅思儒妻郭氏
曹守毅妻徐氏	石氏姊妹
盛損妻吳氏	童先第妻趙氏
魯子球妻石氏	劉祁妻高氏
姜飛熊妻孟氏	任元齡妻徐氏
陳鼎和妻顧氏	薛化龍妻張氏
徐鄴妻毛氏	陳幼學妻章氏
王氏	王氏女
方氏女	方震賜妻楊氏
錢嘉徵妻沈氏	張惜惜
蔡昌登妻林氏	陳端姐
某氏女	鄭震妻葉氏
顏堯揆妻李氏	潘維夏妻黃氏
程四達妻舒氏	丘厚妻黃氏
戴鉦妻徐氏	蕭魁連妻黎氏
凌國士妻白氏	周國柱妻許氏
謝二姑	安于磐妻朱氏

李宗富妻鯉氏 翟弘宇妻翟氏
馮天祥妻毛氏 趙臨大妻吳氏
殺裁成妻楊氏 楊大生女
任倬妻郭氏 曹來王妻楊氏

閩媛第三十八卷

閩孝部列傳七

皇清二

汪弘量妻王氏

按鳳翔縣志王氏太學生汪弘量妻弘量遊園數年不歸王事老姑問寢視膳無少怠姑病延醫醫云年老血虛須人血合藥方可治氏曰但得姑愈我不自惜即引刀割臂血升許觀者無不嗟嘆氏亦不覺痛苦數日平復如初姑亦尋愈人以爲至孝所感

王如愚妻李氏

按汧陽縣志李氏諸生王如愚妻性至孝事翁姑無違翁姑沒篤送終之禮既葬以家事付族人夫婦廬於墓側御史旌之

楊六斤妻馮氏

按延安府志馮氏楊六斤妻府舍人善事舅姑以孝聞旌表
孫丕振妻左氏

按鄆縣志左氏諸生孫丕振妻翁疾危屢治不效氏焚香祝天刲股烹羹入藥服之即愈
羅綱妻王氏

按茂州志王氏羅綱妻繼母劉氏有病氏割股以進人稱孝女

劉氏

按茂州志劉氏宜振女不知其夫名姑楊氏病氏躬侍湯藥日久未愈額天割股肉以進姑獲愈以壽終

劉氏

按茂州志劉氏宜振次女母馬氏病氏朝夕侍養衣不解帶後母病篤哀號祈天願以身代尋乃割股和藥以進母病遂痊

馮碧妻張氏

按順慶府志張氏馮碧妻母病氏夜禱天地持刀割股得少許嫌不足又割乃和藥進母母病獲痊

良應妻趙氏

按順慶府志趙氏良應妻性至孝賊變夫婦母子逃散人傳母被賊追溺氏聞至彼亦溺康熙九年旌其墓

熊起麟妻廖氏

按順慶府志廖氏熊起麟妻事孀姑謹慎紡績供甘旨十數年無倦姑病割股以進遂愈衆欲請旌却之而罷

黃鳴陽妻熊氏

按武昌府志熊氏蒲圻人鄉舉黃鳴陽妻勤儉

和惠事翁姑及祖姑盡孝鳴陽司鐸當陽氏遺側室偕往自留侍翁姑姑病劇跪進藥餌累月不寐積勞成瘵忽仆地死翁姑傷之

黃衡妻楊氏

按武昌府志楊氏蒲圻黃衡妻當陽諭黃鳴陽媳性和惠居江夏衡贅其家甲辰姑熊氏沒越三百里來奔喪撫棺慟哭黃家世清白喪具皆節省氏力主從厚解環佩佐之歸蒲踰年而卒

花氏女

按荊州府志花氏女石首花秀卿之女年十八刲股救親以孝著

毛上達妻王氏

按荊州府志王氏江陵毛上達妻姑病氏刲股救之獲痊鄉人稱其誠孝

傅汝阜妻李氏

按南豐縣志李氏傅汝阜妻李陶演堯女也名兌順自號西安老嫗三歲識字人稱奇女生母早喪號哭徹曉階前亭柏頓萎及嫁事姑至孝姑病祈天願代明崇禎十五年鄉人夜夢神告曰汝家火災因與孝婦鄰得免詰朝火發遽息

所著有女史纂要后妃寶錄壺範彙言俱燼於寇康熙十六年丁巳大師入閩勦韓大任氏臥病在牀賦詩云丁巳年來九十秋陽嗟城市忽墟丘石名望夫夫何親橋號思親親已休眼見兩朝逢舜禹身經九帝哭殷周那堪子婦驚逃

竄慘聽哀鴻淚莫收是年卒葬楊林渡

劉九疑妻朱氏

按南豐縣志朱氏劉九疑妻事姑至孝姑病祈天願代明崇禎十五年鄉人夜夢神告曰汝家火災因與孝婦鄰得免詰朝火發遽息

按高安縣志朱氏明江藩石城王孫輔國中尉謀僥之女孝廉劉九崐妻崐於崇禎甲申聞變赴沼殉難父母曳救崐矢絕食朱勸曰毋寧斃而隱乎崐曰孰與事父母曰吾佐之於是竭力事舅姑盡色養凡三十年舅姑喪畢將告辭願明日省性治饌集駿奔諸執事朱就主婦位執醕進炙拜典如禮徹饌未易服而卒時年五十有七

馬有妻彭氏

按澤陽縣志彭氏諸生馬有妻孝廉旭女也性至孝幼失恃善待祖母于歸後姑病日夜虔禱願以身代歲丙午父官壽州祖母病篤代父侍湯藥三十五晝夜不少息力竭而死縣令王錫琯表其墓

王可榮媳趙氏

按江浦縣志趙氏王可榮媳嘗割股以救繼姑縣令表其門

汪漆妻丁氏

按六合縣志丁氏汪漆妻翁姑病篤兩割臂以救之同時皆愈旌表

鄭晉德妻吳氏

按歙縣志吳氏生員鄭晉德妻生而純孝父病危割股以進立愈守令並旌之

汪氏女

按歙縣志汪氏女名福貞汪于廢女年十五母病瘋父遠館女奉湯藥逾年告天願以身代母沒殮畢脫簪珥易冥鏹焚之投綴死

程顯爵妻孫氏

按休寧縣志孫氏低山程顯爵妻割左股療姑姑病愈復作又割右股邑令聞之旌表

程朝節妻汪氏

按休寧縣志汪氏裏溝女適鄧斯程朝節姑病篤氏割股愈之復延年一紀邑令旌表

程氏

按休寧縣志程氏副榜程其韜女嘗割股和藥以療父病

黃氏女

按休寧縣志黃氏女名時珠父世亮汊口人病篤女割股以進父沒哀傷而死

程廷安妻李氏

按黟縣志李氏名愛娘程廷安妻翁病瘋日代櫛沐勤奉養數年不怠

邵氏二女

按黟縣志邵氏二女長名媚次名楊規溪邵四保女也媚年十五揚年十三從父入山伐木父為虎所攫楊抱其父媚以斧斫虎虎負重傷置其父而奔死於山中媚以衣裹父傷處負之而歸父得不死一時士大夫歌咏其事

程祖聖妻汪氏

按績溪縣志汪氏上田汪抱靈女市中程祖聖妻性至孝事翁姑盡禮姑病割股和藥請以身代邑令旌其門

王文諧妻董氏

按涇縣志董氏名葵雙浪都王文諧妻事舅姑

至孝姑性嚴峻氏孝終不衰夫遠出姑與舅俱病劇氏憂泣無措密視天割股肉和藥以進病尋愈舅姑及夫歸皆不知也亡何氏將死姑與夫啓視手足見臂上瘡方知之無子一女適東隅趙志浩

左乾孫妻趙氏

按涇縣志趙氏寧夏兵備如郊女文學左重子乾孫妻年及笄適孫孫嗜酒而狂氏敬之如賓其在家孝父母嫁則孝舅姑生四子繼繼以教歸寧遇父危疾割股肉以救由是而夫疾翁疾皆割焉兩臂峻嶒不堪注目縣令旌之

孔尚坤媳方氏

按池州府志方氏孔尚坤媳坤病劇氏割股作湯以進臂創甚醫者云得活風皮傳之可止俄行踐一鼠若神授焉

魯天璧妻邵氏

按太平府志邵氏烏溪岸生魯天璧妻夫亡氏年二十一貧無立錫紡績自給割臂剜肝以療姑病姑為再生及沒葬祭盡誠年六十四卒

張旭妻孫氏

按太平府志孫氏采石張旭妻嘗割股以療姑疾鄉黨稱孝

曹臺岳妻方氏

按太平府志方氏岸生曹臺岳妻姑病割股愈之

龍氏女

按安慶府志龍氏女名佛貞望江人康熙己酉

祖母范氏疾篤佛貞夜禱神剖股肉和粥以進病立愈

王朝科妻吳氏

按安慶府志吳氏太湖人王朝科妻事姑至孝姑病篤氏割股食姑病得痊縣令旌之姑年八十以爲婦孝所致云

劉光祖妻董氏

按安慶府志董氏懷寧人鄉飲賓劉光祖妻性溫淑孝養舅姑奉養必親姑宣氏病羸一榻相依嘗藥焚禱七年如一日夫出遊吳賊適陷城執姑欲殺之氏以身捍蔽曰姑老寧殺我辭氣張皇遂被重創既仆而甦猶策杖扶姑夜行晝伏逃竄得死生平任卹喜施與三子俱諸生其仲沉以明經入國學

汪大成妻張氏

按太湖縣志張氏汪大成妻繼姑程氏疾危藥不效氏私泣禱割股入藥服之即愈里中以孝婦稱之

張氏女

按蘇州府志張氏女字德芬父思學常熟人性至孝齡年時封股和藥以愈父病康熙十一年有司旌之

鈕成惠妻楊氏

按蘇州府志楊氏長洲人許字鈕成惠年六歲父母相繼歿即歸鈕爲養媳成婚後竭力操作事翁姑曲盡孝敬姑病晝夜侍湯藥十越月不少懈及殯踰哀號水漿不下咽逾旬而死里

黨威稱其孝

郭可妻陸氏

按吳縣志陸氏諸生郭可妻子兆鰲食儼吳庠氏事姑甚孝割股以療姑病越半載姑病復氏涕泣告天願以身代兆鰲曲慰之氏曰吾行吾意毋多言又割股煎湯以進姑年逾八旬而卒繼而可疾亦割如前股凡三割骨皆露兆鰲以陳之督學趙崑方伯宋肇各表其門

郭婦徐氏

按長洲縣志徐氏文學郭忠陸長婦翁抱危疾醫禱不廖徐私祝天願以身代尋割股調湯以進病立起爲婦七年家人不知也止一婢知之及易簪指其瘢婢告以故翁哀之厚歸其所生女以志婦孝

張氏女

按吳江縣志張氏女父君明無子有女三二姊既嫁季亦受聘將并父嘆曰三女俱去二老奈何女應曰見誓不作人婦毅然剪髮披緇承歡

仲氏

按常熟縣志鄧穎媳仲氏奉事孀姑嘗割股療疾姑歿哀毀減性甫終喪而卒

林質彬妻黃氏

按松江府志黃氏林質彬妻閩人僑居華亭性至孝康熙三年翁姑病爲醫禱罔效氏焚香祝天求以身代隨操刀割股調羹奉親危病俱起學使表其門

陳或妻裴氏

按松江府志裴氏陳或妻華亭人明經裴大猷女性至孝年未及笄母黃氏病危氏兩次割股療母終不告人後爲節婦

仇兆麟妻徐氏

按宜興縣志徐氏庠生仇兆麟妻兆麟幼孤氏父嗜鳳艱於嗣養兆麟於家教育七年女之鳳性好澹泊厭靡麗氏恪遵不違相夫順而正課子如嚴師聲色不少借後雖授產析居得甘旨必饋父母不敢先嘗人稱孝女

王紹妻錢氏

按宜興縣志錢氏潼渚王紹妻事姑孝謹一日母餉以烹鵝覆菜其上氏即分菜奉姑徐按得鵝急欲補奉而姑適至氏愧恨無地奔告母曰吾進菜於姑而遺其鵝倉卒失悞罪可辭乎我必死然姑待我厚必以喪婦爲戚是重罪也願將妹妻吾夫吾目瞑矣果自縊其母家哀其志以次女續焉

孫復儒妻金氏

按武進縣志金氏邑庠生孫復儒妻年十六歸儒儒嫡母性嚴氏承事曲爲調護越七載夫亡姑亦卽世家貧翁老守節以養翁病劇親調湯藥六十晝夜目不交睫焚香大士前剖股煮米爲丸以進是夕翁忽起曰吾病愈矣昨夢一白衣女子提吾髮曰汝婦誠孝動天增壽一紀後果符其數儒遺二子鵬翼俱補弟子員合邑請旌

王婦李氏

按武進縣志李氏郡庠生王一清媳李時泰女也姑唐氏年六十邁末疾氏竭誠侍奉勞苦備嘗十年如一日及瀕危氏禱於天割股進藥姑尋愈鄉里嘉其孝感郡縣旌之

吳琳妻周氏

按江陰縣志周氏郡庠生汝琮女歸邑庠生吳琳康熙三年十二月姑病瀕危舉家皇遽氏默禱竈神私割臂肉作湯以進姑覺有異不食氏強勸之越一日姑歿氏號泣曰微誠不足以動神明當力撫二小姑以報家人不知所爲獨母家一婦曾阻之不得至是言狀乃知琳有二幼妹氏厚撫之如其言更七年氏病亡囑以己奩田分贈琳二妹年三十有三卒

徐名貽妻張氏

按鎮江府志張氏內閣侍郎張九徵女歸任子徐名貽名貽讀書太學翁惺在宦邸氏奉姑李家居侍養惟謹名貽死張年二十有八辛勤守節姑僅一子慮傷其心雖慟夫極悲楚一見姑卽拭淚強慰解姑病額天求代復割股療之遐邇稱孝

莊天澤妻呂氏

按鎮江府志呂氏金壇貢士莊天澤妻性至孝姑患癰以口吮之不懈夜夢神語云汝姑筭將終上帝感汝誠孝特與延一載後癰果漸瘳明年以他疾終氏哀毀盡禮性好施里有韓某通官稅鬻子於旗丁以償呂傾囊給之令贖還年

五十一卒其族左春坊莊閻生爲之傳

呂南妻莊氏

按鎮江府志莊氏丹徒人年十九歸呂南未一月翁廷俞病醫藥罔效婦割股作糜以進血流通體而形色不少改旬日卽平復如故

荆世祥妻于氏

按鎮江府志于氏金壇人性至孝母病割左股爲糜以進而母愈及并歸丹陽荆世祥姑孫氏病復割右股姑亦愈當割時戒婢妾無使聞於姑恐傷其心更加疾也茹素三十二載爲姑延壽年五十一終

張與可妻何氏

按鎮江府志何氏丹徒人湖州太守金城女諸生張與可妻幼讀書多通曉父謫官病外署早夜侍藥食不懈禱於天割股爲糜以進而父疾篤不及食以死更哀毀廢食日就羸瘠已而歸與可未二載病竟莫支年二十而沒

喬鼎妻王氏

按揚州府志王氏江都人前癸未進士王玉藻長女也適喬鼎性醇孝未字時父母疾輒夜禱天祈以身代及歸鼎家貧氏備紉以事舅姑未嘗稍懈生三子課之甚嚴長補弟子員仲李皆成立

魯志仁妻吳氏

按揚州府志吳氏泰州人適同里魯志仁父嘉紳病時吳有娠四月聞之徒步歸省蹟而胎墮越十日嘉紳病劇俗忌產婦不入人家吳至門

不得入哀號曰相去咫尺不得一見父耶慙慙而哭見者墮淚歸禱竈神置瓢左股下割肉貯血作糜以餉紳食之而愈

韓日暹妻孫氏

按江都縣志孫氏韓日暹妻性篤孝幼喪母十二歲時父繩祖有疾號於神曰神奪吾母又將及吾父耶操刀割股肉和藥以進而父病遂愈年三十九將死謂夫與子曰吾未得終父養目不能瞑幸善遇之無使我抱恨泉下也語畢睨父兩目流血而絕生八子平日教之如嚴師長汝泰年十三補郡諸生餘皆以文名

韓日暹繼室梁氏

按江都縣志梁氏韓日暹繼室未嫁時鄉黨稱孝女及歸韓前妻遺八子皆幼而更有在抱者氏撫育均如所生一一教之成立畢婚娶長媳曹氏姪媳陳氏俱少寡賴氏成其節

萬芬妻徐氏

按儀真縣志徐氏萬芬妻事舅姑若父母姑趙氏年逾耄室廩疾久不起徐躬湯藥默割股和藥以進遂愈久之家人始知

熊國泰妻王氏

按儀真縣志王氏熊國泰妻年十六適泰甫彌月翁玉麟病篤服藥無效氏隨姑晝夜左右不倦伺姑稍息乘夜祝天割股和藥以進翁尋愈縣令旌之

姜國楨妻張氏

按儀真縣志張氏姜國楨妻武進士元泰女母

黃氏無子僅生張授以女誠諸書頗曉文義年十三事親以孝聞長適槓事翁姑盡婦道翁病危氏方產三日剖股肉以進越數載翁沒值歲饑親操井日以精者奉姑自食粗糲邑令旌其孝行卒年四十有二

吳玳妻章氏

按高郵州志章氏吳玳妻事姑最孝姑病危剖股肉愈之姑後染寒病七日不汗醫者謂必死忽思食桃時當小春桃不可得氏于家園桃樹下拜哭不已忽花開滿樹竟結一實姑食之復愈後遭倭變民居悉為火焚倭入其室知為氏家贈以羊酒削木柱書曰此孝婦家不可犯至今猶存其跡

王維慶妻陳氏

按高郵州志陳氏王維慶妻慶固孝子而婦孝益顯奉

旨建坊

沈蘭妻葉氏

按高郵州志葉氏沈蘭妻嘗剖股肉救姑踰半月姑媳一時偕亡

楊毓和妻何氏

按高郵州志何氏楊毓和妻剖胃割肝救姑病叢魁林妻徐氏

按如皋縣志徐氏太學叢魁林妻運判叢中桂母夙嫺內則性純孝內外族戚皆相好姑病危徐夜視天願以身代割左臂和羹以進姑遂霍然起是夜夢神語曰汝媳純孝賜以子一大其

門明年果生子桂桂僅九歲徐亡康熙十九年桂通籍誥封安人

王氏女

按興化縣志王氏女父應瑞以冤繫獄女將嫁聞之痛悼恨不以身代即不食哭不絕聲三日夜而死縣令旌之

陸氏女

按興化縣志陸氏女名英祖士琛英年十三母病殆剖股療之縣令旌表

王貴一妻李氏

按興化縣志李氏文定公曾孫女文學王貴一妻讀書明大義事姑曲盡婦道姑病割肉療之而愈自言曰吾知割股非孝也吾盡吾心焉耳

朱應辰妻仲氏

按寶應縣志仲氏朱應辰妻母趙氏病篤剖股和粥以進母尋愈

楊永齡妻羅氏

按寶應縣志羅氏楊永齡妻姑金氏病篤割股為羹進食而愈

潘俊妻吉氏

按寶應縣志吉氏潘俊妻姑趙氏病篤割股為羹以進姑尋愈

蔡昂妻李氏

按淮安府志山陽李氏封御史李奇女編修蔡昂妻也母戴氏面生毒醫不效李歸寧告天剖左股煎湯以進母汗出而愈先是其翁源龍在京師獲病亦李剖股愈之

顧氏女

按淮安府志顧氏女幼嫺內則事父母盡禮父歿日夜號泣絕粒七日母將就寢必先理衾枕侍榻側母寢方臥母疾顧天祈減己算以贖母母遂起

莊和妻朱氏

按淮安府志朱氏宿遷屠戶朱榮女適莊和亦屠戶一日父榮中酒暴疾垂危或曰免肺羹可救家貧不能力得朱氏日夜泣忽自念曰吾身受之父母苟可愈父吾何愛焉因浴右肋剖肺置之凡忽失所在復剖之遂昏仆鄰姬驚視見膺血沾襟急掖之起遂甦視几上肺俱在因烹以進榮飲而甘之其疾遂愈

宋芳妻李氏

按沐陽縣志李氏諸生宋芳妻未嫁時母趙氏病篤醫者不藥氏晝夜侍奉無少懈一日焚香哭禱於天割左股煎羹以進母食遂愈縣令梁文煥旌之

葛一鶴妻周氏

葛一麟妻仲氏

按沐陽縣志周氏葛一鶴妻仲氏葛一麟妻同事姑王氏彼此罔間如一人姑病醫藥弗效周不謀仲密室剖股以食姑病遂愈後踰年姑復病仲亦不謀周剖股進之姑亦愈

仲汝彝妻汪氏

按清河縣志汪氏儒士仲汝彝妻彝性最孝事母凌氏無違聲色及病劇屬氏曰我死必養我母氏應且泣自此起居飲食寒溫必曲體奉之

如彝存日姑沒破產以囊大事或曰汝母子不顧後日乎氏泣曰爲子孫計安穩而母氏不免暴露何以慰兒夫於地下卒殮葬成禮率其子依兄弟以居年八十卒

湯輅妻王氏

按清河縣志王氏諸生湯輅妻其舅澧州刺史調鼎患腹疾甚殆王憂之剖股肉託鮮魚以進尋得瘳越二年辛亥鼎病如初王禱於神願以身代夢中見白髮翁告以生日死不悟是月二十五日爲鼎降辰王忽呼次女起令饋櫛拜乃爹壽曰我今日死矣是時王無恙也忽卒乃悟神語

蔡鼎金妻艾氏

按宿遷縣志艾氏年十七歸邑人蔡鼎金甫六月翁病進藥不效氏焚香祝天割股作羹以進翁食之愈氏病創臥不能起姑責之隱忍不言姑怒鼎金以告翁姑皆爲感泣

徐大器妻周氏

按宿遷縣志周氏村民徐大器妻事姑至孝姑病歲餘氏侍湯藥晝夜寒暑不少懈姑亡毀瘠骨立里人稱孝婦

陳琨妻朱氏

按宿遷縣志朱氏諸生陳琨妻姑病割股以進姑遂愈

李廷樞妻成氏

按海州志成氏諸生李廷樞妻姑病篤藥不效氏禱神割股肉愈之旌表

王司理妻雷氏

按贛榆縣志雷氏諸生王司理妻性婉順善事舅姑祖姑病氏與姑朱氏日夜侍湯藥割股調羹以進祖姑病愈鄉里以孝稱

杭躍龍妻王氏

按贛榆縣志王氏鄉民王世璽妹適杭躍龍善事姑母韓氏久病不起氏日夜焚禱願以身代密割股療母病忍痛癢疾其嫂啓視方知鄉里靡不嗟嘆

賈得正妻莊氏

按蕭縣志莊氏賈得正妻郡庠生以流孫女事賈克嫺婦道舅姑垂白侍左右惟謹翁患沈疴醫藥罔效氏感夢兆剖左股爲羹以進翁果愈邑令旌之

王德崇妻林氏

按鳳陽府志林氏王德崇妻年三十無子自白翁姑爲夫置妾親愛如妹妾方孕翁我格病篤氏懼翁不獲見有孫也潛禱於家廟剖股進藥病稍痊繼果舉子康熙十九年春氏年三十九

忽自言本日申時我當死遍囑家人勿悲及期果逝

柳存贊妻俞氏

按鳳陽府志俞氏柳存贊妻剖股愈姑疾以孝聞

石應瑞女

按鳳陽府志石應瑞女年十七父病危剖股卒不能救號泣而死縣令江應崐表其墓

金用乾母金氏

按鳳陽府志金氏舉人金用乾母秉性至孝父疾篤額天願以身代夫病剖股救之

趙桂妻華氏

按鳳陽府志華氏趙桂妻三剖股肉愈父病及翁姑疾亦如之翁姑沒與夫共廬墓三年

許品妻丁氏

按鳳陽府志丁氏許品妻姑武氏病醫不能治氏泣而剖股食之立愈郡縣旌表

田及時妻王氏

按鳳陽府志王氏田及時妻甫嫁閱月翁疾篤即剖股以療之

戴崑妻張氏

按鳳陽府志張氏戴崑妻翁奮行病將革氏祝天剖股食之即愈有司旌表

陳嘉祐妻李氏

按鳳陽府志李氏陳嘉祐妻翁病惡瘡臥席三年臭穢難近氏朝夕奉侍洗濯無難色

張鼎煥妻張氏

按鳳陽府志張氏張鼎煥妻姑病危氏剖股救之而愈病目刺血治之復明縣令旌表

傅大爲妻卜氏

按鳳陽府志卜氏傅大爲妻翁所珍病療治無效氏剖股肉和藥以進食之即痊郡邑旌表

張星妻梁氏

按鳳陽府志梁氏張星妻家貧翁士林病篤思肉食不能得氏剖股肉食之得痊縣令旌其門

曰純孝

李大權妻汪氏

按鳳陽府志汪氏李大權妻姑病刲股救之旌表

胡遵夏妻劉氏

按鳳陽府志劉氏武舉胡遵夏妻刲股愈姑以孝聞

王錫民妻趙氏

按鳳陽府志趙氏諸生王錫民妻性至孝嘗刲股以愈姑疾姑沒淚盡繼血遂致雙髀尋寡養二子食廩費官

張建鼎妻黃氏

媳孫氏附

按鳳陽府志黃氏諸生張建鼎妻值舅病危刲股以愈後黃病媳孫氏亦焚香祝天刲股以報郡守旌之

馮大受妻華氏

按臨淮縣志華氏馮大受妻事姑孝常典醬以購朝夕姑病氏移榻就姑衣不解帶親調湯餌以進姑歿泣血哀毀茹素三年

吳國竣妻黃氏

按臨淮縣志黃氏吳國竣妻翁道寬癰發背危氏刲股入藥翁患立愈

姜文詔妻楊氏

按臨淮縣志楊氏姜文詔妻素孝其姑張氏忽暴疾不遑醫氏焚禱割股進姑尋愈

王家汲女

按臨淮縣志諸生王家汲女割股救父縣令旌

之

王都妻何氏

按蒙城縣志何氏王都妻嘗割股以療翁疾馬希聖妻王氏

按蒙城縣志王氏馬希聖妻翁病久不得愈夫妻共焚香告天同刲股食之尋愈

李東璧妻孫氏

按蒙城縣志孫氏舉人李東璧妻值寇亂逃避姑年邁氏棄子扶姑姑得入城後病醫藥罔效氏刲股為羹以進姑一啜而愈人稱其孝

陳憲妻吳氏

按蒙城縣志吳氏明經吳道偉女陳憲妻翁病危夫妻共禱以身代半夜思鮮肉不能得氏潛刲股為羹食之而痊有司旌表

方朔年妻李氏

按蒙城縣志李氏方朔年妻翁病篤藥餌莫救氏刲股食之而愈縣令旌之

徐小峯妓姜楚氏

按蒙城縣志楚氏徐小峯妓姜二次刲股以救小峯母病

丁毅生妻李氏

按蒙城縣志李氏丁毅生妻翁病危諸藥不效氏刲股療之即愈縣令旌其閭

莊民悅妻陳氏

按蒙城縣志陳氏生員莊民悅妻姑陳氏病篤氏禱天刲股二次以療之有司旌表

張天收妻李氏

按蒙城縣志李氏武進士李皇禎女諸生張天牧妻姑王氏病篤氏割股為羹以進姑食之即愈姑又失明氏刺血滴眼復明如初縣令旌表

丁鴻雯妻何氏

按蒙城縣志何氏貢士何名雋女丁鴻雯妻姑韓氏久病醫藥不效氏割臂肉療之即愈縣令旌表

紀成妻李氏

按蒙城縣志李氏紀成妻翁姑病貧不能延醫氏刲股食之翁姑並痊縣令旌表

張貞妻丁氏

按蒙城縣志丁氏張貞妻姑戴氏病危氏禱天刲股以進姑食之病隨愈縣令旌其門

羅思儒妻郭氏

按盱眙縣志郭氏蓮塘民羅思儒妻割肝救姑姑享大年

曹守穀妻徐氏

按盱眙縣志徐氏河稍橋曹守穀妻翁明正病危氏割股啖翁翁病立愈縣令旌之

石氏姊妹

按滁州志石氏姊妹一趙宗聖妻一杭文蔚妻姑皆病石氏姊妹虔禱祈代遂俱愈有司旌表

盛損妻吳氏

按滁州志吳氏廬州訓導盛損妻姑黃氏有疾不能動履氏代梳洗供飲食不離左右姑亡遺幼子亦賴氏撫育成人

童先第妻趙氏

按全椒縣志趙氏增生童先第妻姑李氏病劇氏方患瘧焚香願天引刀割股以進姑食之愈邑令旌之年八十有八終

魯子球妻石氏

按全椒縣志石氏文林郎萬年縣令魯子球妻球家貧氏紡績佐讀事舅姑極醇謹夫方廷試姑高亡氏哀痛失血致病且曰我必從姑地下服闋日一哭而死康熙七年贈孺人

劉祁妻高氏

按和州志高氏諸生高致幼女孝自天成習聞女誠長字郡學生劉宗向長子生員祁敬戒無違動悉如禮翁與夫太平應試姑病篤服藥罔效氏願天求代深夜割股煎藥以進姑病霍然郡守旌其閭

姜飛熊妻孟氏
按和州志孟氏鄉耆姜應祿媳生員姜飛熊妻年十五姑劉氏病不能治氏以口接涎祈神割股姑賴以愈太守夏璋旌其門

任元齡妻徐氏
按蕭山縣志徐氏太學生任元齡妻事翁姑以孝著翁朝諱仕爲衡陽丞元齡隨父在官氏家居教二子雲蛟雷蛟皆躬授章句朝諱以藩工獲譴有司逮之急時元齡未歸氏挺身就逮神色不改久之事得解氏孝愈著雲蛟後舉孝廉雷蛟髫年入邑校早亡妻史氏年二十一無子亦善事姑

陳鼎和妻顧氏

按上虞縣志顧氏儒士陳鼎和妻少寡守節姑病篤氏臥不解衣以伺湯藥焚香告神祈以身代涕泣悲號淚辰不輟其姑夢神告曰汝命當終念爾媳孝增爾壽數若干歲姑驚寤霍然而愈

薛化龍妻張氏

按紹興府志張氏薛化龍妻山陰人性篤孝幼慕曹娥殉父事慇懃禮之及歸薛以孝義課子成立父客死濟南張踰數千里赴之一慟遂絕不復蘇矣

徐鄴妻毛氏

按錢塘縣志毛氏名媿字安芳父先舒媿年十六歸同郡徐鄴生有至性母病割股者三鄴疾危又自割臂和藥少喜詩年過三十未有子嘗自持其詩卷曰是我神明所鍾即我子也卒年四十竟無嗣人多悲其孝而惜其才鄴亦能詩爲刻靜好集行於世

陳幼學妻章氏

按錢塘縣志章氏錢塘章副將斐然之妹歸陳幼學事姑以孝聞姑徐病篤割股以進年止十八而遽亡時幼學方出遊章臨死索筆題詩以寄曰良人行役計饔飧拭淚慈親暮倚門珍重鯉魚須早寄白頭無嫌伴黃昏督學周斗垣旌其廬

王氏

按錢塘縣志王氏失其夫名性至孝溫清必謹姑病割股救姑願以身代姑享大年稱爲孝婦

康熙十七年有司旌表

王氏女

按海寧縣志王氏女名敬姑盛墩里人諸生王廷璧女孫祖母陸氏少寡而失明敬姑依侍祖母年甫七齡祖母口授孝經女誠應口成誦父諸生佩蘭貧而舌耕敬姑即盡瘁紡織以佐不給使父無內顧憂大母患病衣不解帶者累月先是許字屠姓至年十九媒氏納幣請期以祖孫相依之故毅然却之迨二十二歲復請方痛大母之亡而母張亦以哀思成疾侍奉之人復却之越二年方欲迎娶又值母病危篤乃剪髮辭曰俟髮長乃可加笄庚午春母病益甚姑潛割臂肉奉母而痊人不知之至五月母又病復割以進天暑未單稍露割痕母心竊疑呼之同寢乘其熟睡而瞞之見左臂有舊痕右有新血母遂大驚告佩蘭及子女而鄰里始相聞矣逾年正月母沒女憑棺泣血父以悲悼沈疴頓發女又割臂罔效傍徨無計私禱家祠誓以身代整衣裳赴舍北投水中水淺不能沒脛猛以頭搶泥中而死年二十有五巡撫張鵬翮具題旌表

方氏女

按永康縣志方氏女名福姓方豫卿庶出女康熙三十三年年甫十歲嫡母馮氏臥病服藥不痊福姓日夜涕泣百計思救爰白衣女手持剃刀遂驚醒父早見母垂危乃登樓設香燈禱祝割左臂肉煎湯以進母病立甦有司頒給衣銀

優卹之

方震賜妻楊氏

按永康縣志楊氏諸生方震賜妻年二十夫亡

矢志守節績紡奉姑姑病頃刻不離左右康熙

甲戌與福姓同旌年九十七卒

錢嘉徵妻沈氏

按歸安縣志沈氏諸生錢嘉徵妻性純孝依母

同居飲食寒暑曲體親心長齋奉道祈求母壽

後母亡庶弟天喪祭俱身任之事舅姑九孝居

喪盡禮年五十二卒臨終作詩有一朝脫却塵

緣去直駕祥雲上帝前之句

張惜惜

按嘉興府志張惜惜桐鄉張乾女五歲喪母無

兄弟父女相依十載父得痼疾侍湯藥甚謹尋

病篤惜惜目不交睫逾月度父疾必不起恐以

己貽父憂預爲父備衣衾不食先父死父撫其

尸上下衣裾皆縋紉半密又具數日飲食以遺

父越三日父死友人葬之于先塋以女附焉

蔡昌登妻林氏

按福建通志林氏閩縣蔡昌登妻昌登任俠浮

沈海上吏捕之急氏潛歸匿鄉曲間姑病刲股

母病隔二百里剖肝寄之父爲昌登累斃於獄

氏泣拜父墳割臂焚燒以祭逮昌登歸誠

聖主授官井陘始出相隨之任念平昔患難未嘗一

日齋顏色也久斷葷事佛至是猶刺血手書佛

乘爲昌登懺悔于子歲沒於官

陳端姐

按福建通志陳端姐閩縣人許亨妻姑病剖肝

和魚羹以獻越歲病復劇又刲右臂及股二寸

許亨進既而翁又病氏具香末置臂上焚之翁

姑皆賴以獲全

某氏女

按福建通志某氏女不知其何人有御史道見

一人被邏卒所獲御史將殺之其女奔至館驛

號泣辨父非賊御史卒殺之女遂死于父側

鄭震妻葉氏

按莆田縣志葉氏諸生鄭震妻早寡遇寇欲殺

其姑以身翼之哀求代死不得翁老病臥牀曲

盡孝養年六十餘卒

顏堯揆妻李氏

按永春縣志李氏知州顏堯揆妻幼嫻女訓歸

顏姑李氏患眼醫曰須舌舐可愈氏朝夕叩天

祈愈日夜爲舐不倦歷一年姑眼果復明

潘維夏妻黃氏

按永春縣志黃氏潘道敷子維夏妻道敷素行

純樸遭亂結寨保衆鄉邑賴之氏歸潘孝謹靡

懈侍舅姑無間言姑病篤割己臂奉姑晨夕叩

天求庇姑病果愈邑令表其門

程四達妻舒氏

按武平縣志舒氏諸生程四達妻父早喪母有

痰疾氏日侍側不離及歸程姑又病往來候藥

日夕靡寧母歿姑痊而婦病不起矣

丘厚妻黃氏

按漳州府志黃氏龍溪丘厚妻厚以守備遠任

山西姑林氏病篤刲股調藥得少効復刲以進

食姑病遂愈邑人陳常夏勒石于馬岐道左旌

其孝

戴鉦妻涂氏

按漳州府志涂氏長泰戴鉦妻涂仲吉之長女

也早寡逮子濃長倅某郡迎養署中數月泣謂

子曰爾父已沒吾有八十之老姑寧能離側受

子祿養耶遂還事姑人以爲孝士大夫多爲歌

詩贈之年八十二卒

蕭魁蓮妻黎氏

按連山縣志黎氏太學生蕭魁蓮妻貞靜誠孝

族里素重之康熙二十四年鄰失火翁樞在堂

氏恐焚毀撫樞痛哭不顧幼男女及火烈氏與

一男一女竟焚死惟翁樞存通邑感其孝食爲

請旌

凌國士妻白氏

按貴州通志白氏貴定縣平伐司人事姑勤謹

姑病痿痺手不任箸每食白舉匕以飯姑視寒

暄以易牀褥夜則坐姑傍假寐衣不解帶傾壺

延醫不效則割肌和藥以進姑疾遂瘳鄰嫗聞

之咸勞慰幸婦白正色曰婦事姑如子事父臣

事君吾行吾事耳何勞苦焉康熙十一年者老

聞於縣令旌之

周國柱妻許氏

按貴州通志許氏貴陽周國柱妻賢能之譽溢

於鄉黨事姑汪氏甚孝汪老病氏祈禱於神願

聞之皆爲流涕

謝二姑

按貴州通志謝二姑開州民謝克明姪女年十四未字事繼父母以孝聞二親皆病篤一日再刲其股以進皆獲愈里人異之康熙二十年巡撫楊雍建旌之

安于磐妻朱氏

按貴州通志于磐蠻彝司正長官妻朱氏性幽閒事姑盡孝養姑病氏刲股啖之而愈

李宗富妻鯉氏

按元江府志鯉氏因遠村壘人李宗富妻宗富歿承事翁姑曲盡其道翁歿哀毀盡禮姑病臥鯉衣不解帶服侍湯藥溺矢在牀躬浣濯不以爲嫌姑沒竭力營葬歲時祭享皆如禮

翟弘宇妻翟氏

按元江府志翟氏翟弘宇妻元江老武山人父死女志在養母誓不適人朝夕工女紅待諸幼弟極友愛鄉人賢之

馮天祥妻毛氏

按廣通縣志毛氏馮天祥妻事翁姑極孝翁上世失明氏顙天割股孝動鬼神雙目復明得膺歲薦

趙臨大妻吳氏

按增義縣志吳氏趙臨大妻家貧孝事翁姑遇有疾必顙天求代兩次割股以愈之

段裁成妻楊氏

按蒙自縣志段裁成妻楊氏事姑至孝姑疾篤

焚香告天割股進之即愈

楊大生女

按蒙自縣志楊大生幼女許字張氏未歸康熙四十七年大生病篤女割股煎湯以進病即愈任倬妻郭氏

按新平縣志郭氏邑民任倬妻姑疾危割股救之隨愈

曹來王妻楊氏

按新平縣志楊氏曹來王妻姑老邁疾割股救之以孝聞

欽定古今圖書集成明倫彙編閩媛典

第三十九卷目錄

閩孝部藝文一

曹娥碑

懷思賦

悼艱賦

饒娥碑

趙女傳

女代父刑判

王孝女旌門銘

章氏二孝女廟記

聖姑廟記

王孝娥哀辭

孝娥井銘

閩孝部藝文二

鄒風泉水四章

鄒風載馳四章

衛風竹竿四章

詠史

蜀路石婦

曹娥

宋氏五女

女殺虎行

貧女行

銀瓶娘子辭

金谿縣孝女廟樂歌

二銀女祠

後漢邯鄲淳

晉王氏劉柔

孫氏

唐柳宗元

皮日休

高璠

元劉因

明鄭玉

崔良貴

黃雲師

劉瑞

漢班固

唐白居易

周曇

王建

元吳萊

陳泰

王逢

楊翮

查居廣

金谿縣葛烈女廟

潘孝婦詩

書周節婦孝感之異

閩孝部紀事

閩孝部雜錄

貢師泰

劉嵩

明沈周

閩媛典第三十九卷

閩孝部藝文一

曹娥碑

後漢邯鄲淳

孝女曹娥者上虞曹盱之女也其先與周同祖末曹荒沈爰茲適居盱能撫節按歌婆娑樂神以漢安二年五月時迎伍君逆濤而上爲水所淹不得其尸娥年十四號慕思盱哀吟澤畔旬有七日遂自投江死經五日抱父屍出以漢安迄於元嘉元年青龍在辛卯莫之有表度尚設祭誄之辭曰鬱伊孝女奕奕之姿偏其反而令邑孔儀窈窕淑女巧笑情兮宜其家室在洽之陽大禮未施嗟喪慈父彼蒼伊何無父孰怙訴申告哀赴江未就視死如歸是以渺然輕絕投入沙泥翩翻孝女載沈載浮或泊州渚或在中流或趨湍瀨或逐波濤千夫失聲悼痛萬餘觀者填道雲集路衢泣淚掩涕驚慟國都是以哀姜哭市杞崩城隅或有尅面引鏡勞耳用刀坐臺待水抱樹而燒於戲孝女德茂此疇何者大國防禮自修豈庶賤露屋草茅不扶自直不鏤自雕越梁過宋比之有殊哀

此貞厲千載不渝辭曰名勒金石質之乾坤歲數歷祀立廟起墳光於后土顯昭天人生賤死貴利之義門何恨華落飄零早分葩艷窈窕末世配神若堯二女爲湘夫人時效髮髻以昭後昆

懷思賦

晉王氏劉柔

趙離親而獨寄與憂憤而長俱雖亮分以自勉會無間乎須臾思遙遙而仲愜疾結滯乎肌膚憶昔日之歡侍奉膝下而怡裕集同生而從容常欣泰以逸豫何運遇之偏否獨遠隔於修路彼恆鳥之將分猶哀鳴以告離况遊子之眷慕孰殷思之可靡於是仲秋蕭索蓐收西御寒露宵零落葉晨布美歸鴻之提提振輕翼而高舉志渺渺而遠馳悲離思而鳴咽彼適物而推移何予思之難泄聊摩翰以寄懷悵辭鄙而增結

悼艱賦

孫氏

伊稟命之辰遭天難之靡忱夙無父之何怙哀殄瘁以抽心覽蓼莪之遺什味肥泉之餘音經四位之代謝雖積祀而思深伊三從而有歸爰奉嬪於他族仰慈姑之惠和荷仁澤之陶渥釋髮服以斬衣代羅帷以綰布仰慈尊以飲泣撫孤影以協慕遇飛廉之暴骸觸驚風之所會扶搖奮而上躋頽雲下而無際頓於悒之當春望峻陵而鬱青瞻空宇之寥廓感宿草之發生顧南枝以末哀向北風以飲泣情無觸而不悲思無感而不集

饒娥碑

唐柳宗元

饒娥饒人饒姓娥名世漁鄱水城爲室女淵懿靖專雖小家未嘗出游治絲葛供女事循整鄉閭敬式娥

父醉漁風卒起不能舟遂以溺死求屍不得娥聞父死走哭水上三日不食耳鼻流血氣盡伏死明日屍出龍魚鼉蛟浮死萬數塞川下流都旁下民悲感怨號以爲神奇縣人鄉人會錢具儀葬娥都水西橫道上追思不足相與作石以詒後世其辭曰

生德無類氣靈而休嗟茲孝娥惟行之周淵懿念貞好靖不游纖葛締紆克供以修蒸蒸在家其父世漁飲酒不節死乎風濤匍匐來哭號天以呼顏目耳鼻膏血交流三日頓踣氣竭形枯父屍既出孝實已殂龜龍鼉鮑有蛟泊魚充流溢岸旁出仰浮見怪異形適與我謀鄰民哀號或以頌歌齊女色憂傷槐罷誅趙姬完父操權爰詭肉刑不施漢美淳于烈烈孝娥水死上虞娥之至德實與爲儔恒人有言惟教是圖懿茲德女家世不儒奇行特出神道莫酬窮哀罔泄終古以留鄉人好禮爰立茲丘建銘當道過者下車

趙女傳

皮日休

趙氏女山陽之鹽山人其父貿鹽盜出其息不納有司賦官捕得法當死簿已伏就刑有日矣趙氏女求見鹽鐵官泣懇於庭曰某七歲而母亡蒙父私盜官利衣食某身爲生厚矣今父罪根露某當隨坐法若不可官能原乎原之不能請隨坐之法官清河崔達義之曰固當爲減死論趙氏大泣曰某之身前則父所育今則官所賜誓去髮學釋氏以報官德自以女子之言難信因出利刀於懷立截其耳以盟必然崔益義之竟全其父命趙氏侍父刑疾愈因訣歸浮屠氏舍日休曰古者救危拯禍必先示信至夫家全國完則隨而乘其盟如趙氏一乳臭女子耳繼死請父

命孝也自刑以盟言信也秉孝植信高蹈於世潔乎瑾瑜不足爲其貞芬乎范蘭不足爲其秀與夫古之救危拯禍者遠矣今之士見難不立其節見安不償其信者其趙女之刑人乎噫後之修女史者幸無忘耶

女代父刑判

高璠

乙坐法女請代未卽官勸從奴

不掩厥善代選爾勞伊人祇辟咸示中正朝廷作父大明黜陟使苴茅永建無替於乃服鄭竹斯刊審欺於誠道丁以祖孫繼體位由當室乙則戒慎不足人自速辜德在友于復公侯於今季既生女子濟緩急其及嗣仰丁鴻之清節義豈逃身慕縈之淳志期無鑿額有司務隨時之才徒高守法當官藉通變之識未宜膠柱昔太伯三讓公季代緒漢除五刑班史垂則行古之道仲子所以捨孫易父以死趙簡申其禮聘相彼一時之義今爲千載之明豈可使帶礪遂絕於承家貽貶服刑而代罪兄則不返封欲誰承女既年弱奴何足任鮑公往矣丁必無由理屈淳于獲宥乙女亦可恤刑景之前聞庶無疑滯

王孝女旌門銘

元劉因

女家容城西以母喪感念遂不嫁終身州上其行御史按實禮部令旌表之內翰盧公署其門曰孝女王氏縣人劉因銘曰

孰不娶終身曰魯山之元道州之陽史名卓行何謂非平常二子且然女責奚望盧公表之何用以戒荒

章氏二孝女廟記

明鄭玉

邑人章預二女與母程登山採薇母爲虎所攫二女

呼號搏虎虎遂棄去母由是得免刺史劉贊改二女所居合陽鄉爲孝女鄉且復其家觀察使韓滉奏贊治狀朝廷特賜褒遷今郡城之南二十里若橋若村若里皆以孝女得名即孝女之故居也村南里許有山曰二姑嶺亦曰義姑嶺者孝女之廟在焉歲久廟廢嶺仍存故名予嘗過其所訪問父老猶能歷歷談

孝女事爲之徘徊太息不能去者久之南里洪節夫氏聞風而起慨然以爲己任即村傍青山巷之前軒四楹爲孝女之祠肖像其中且爲買田以供香燈之費而命章氏之孫曰覺旺者掌之予又得請於有司令長吏歲時致祭如我國家故事於是書其本末使刻廟中夫以二女之微而能制猛虎之暴豈其力之所勝哉蓋其忠誠之所感耳方其母氏爲虎所攫二女愛親之心勃然而興發爲忿勇震動林谷有不期同而同者當是之時二女唯知母難之當救豈知己身爲可惜故寧陷虎口而不自顧虎亦爲其所化而不自知且天下之冥頑不靈者獸也獸之至暴不仁者虎也虎且化之而況於他物乎況於人乎觀於二女之事則凡人有所未信物有所未化者皆在我之忠誠有所未至也豈人與物之罪哉千載之下想而像之二女之英烈猶凜凜有生氣况於當時乎况於親見之者乎其見褒於朝廷得祀於鄉里不徒然也祠廟湮廢若此豈人情也哉然則二女祠廟之復有不可已者矣自今像設方嚴祭祀時舉過其祠下者孝愛之心油然而生婦人女子亦將觀感而化矣其關於教化繫於人心豈細故乎因有詩三章使歌以祀孝女并以勵夫風俗云詩曰嗟弱質兮閭閻發至

勇今至仁鬼神今感動猛獸今服馴山高高今崔鬼水深深今漩洞山高水深今天宇開雙鶴交飛今孝女來生人今林林習俗今日沈仰遺風今如在慨千載之良心

聖姑廟記

崔良貴

聖姑郝姓相傳周末時人父義母張氏世居邑會溝村四十無子常禱於神踰年生姑姑少淳朴性至孝力飼蠶儲蓄以養及笄父母欲嫁之姑泣對曰父母無子又嫁女誰復能養者誓不出父母不能強父嘗患癰弗可醫姑顧天吮癰癰竟愈事父母皆壽終力爲營葬葬已時時伏墓哭辛哭而後已邑人哀而敬之後與鄰女樵澹澹水上不歸鄰女還言見車馬自水中出迎姑姑忽然不見邑人謂姑仙去立祠祀之後漢更始之亂光武皇帝爲蕭王北巡定冀趙中山地王爲王郎所追走倉潞村人馬疲渴有女行道上肩水二器衆爭飲之女棄器負杖走時從百餘騎飲水水自器旋盈飲人馬足不竭視女不知所在衆以爲神已而出祠下見姑像與女肖前杖在焉王大驚後即位封孝感聖姑姑靈異自是顯矣歷唐宋元屢有異感歲清明鄰近香火雲集至正間南平州帥趙澄始擴廟址國朝弘治間邑侯張公再一新之今上御極二三年間邑兩罹大水城郭得無壞民咸謂神力祐助報祀彌切先是嘉靖辛酉歲者民劉演等奉邑侯都公及孫公令鳩材聚工增飾廟貌偉甚後邑侯郭公又令者民廉千惠果安重張大宋趙誥創爲臺垣二翼鐘鼓二樓儀門一重蒸爐一具旁門三後門一路門一木表一議已定羣匠趨之廟主羽士劉

守已從而助之暨今春邑侯陳公初下車視事政令甫新而工告成蓋若有待云於是請余爲文以記予聞人可以範俗貞軌者則祀神可以禦災捍患者則祀今聖姑終身不嫁以事親則孝貞汲汲拯溺以急主則忠顯靈辟水以全城則仁夫孝以表俗忠以捍患仁以禦災若是則姑蓋行出烈士功在國家其光於鄉惠於衆非淺鮮矣廟享豈不未哉是爲記

王孝娥哀辭

黃雲師

丁酉禾日溥西城民舍災王屠被酒臥女娥年十二呼撼不起曳手戀戀不忍舍去遂從父俱死焉嗚呼娥真孝矣載稽往牒秦有羅漢有曹唐有饒父溺而咸以身殉吳大帝時有女父爲鐵官冶不液女自投冶中鐵乃液然後父刑免元至正間溧水袁氏女母病篤兵燹起倉卒女入室抱母死嗚呼彼數女咸炳史策而王獨湮沒不彰予甚哀之且袁女年十五曹饒二娥年皆十四羅女不記年能從武陵走洞庭覓父屍當亦不下十四五鐵官女年僅七歲紀載家不詳其姓寥寥千祀獨王娥年十二耳而目之耳父又屠沽子詩書不澤女史無所篤教風不嫻於傳姆世喪道久矣哉而冠者尚掉臂罔所顧戀矧十二歲女子邪嗚呼是可哀也已詞曰
昊天不弔兮峻節其遙執規司春兮孽火爲妖蘭未芽兮芳摧玉未煖兮烟銷酒雖嘆兮風不反赤爆怒兮青蘆斷娥乘雲兮出大荒列星燦兮掩喪銳謂祝融兮何不仁春閨無色娥上鸞娥上鸞兮屋不亡告之悼史醴泉香

孝娥井銘

劉瑞

浙江按察司址宋武穆岳王之故宅東南有井王之女痛父冤抱銀瓶而死焉者按察梁公用亭覆之榜曰孝娥井西蜀劉瑞作之銘曰
天柱斃日爲月禍忠烈森檜孽娥痛父冤冤莫雪赴井抱瓶泉化血血如竟憤如鐵曹江之娥符爾節噫嘻井可竭名不可滅

閨孝部藝文二詩

抑風泉水四章

衛女嫁于諸侯思歸寧而不得故作此詩
嗟彼泉水亦流于淇有懷于衛靡日不思變彼諸姬聊與之謀

出宿于涉飲餞于瀾女子有行遠父母兄弟問我諸姑遂及伯姊
出宿于干飲餞于言載脂載華還車言邁過臻于衛不瑕有害
我思肥泉茲之永嘆思須與漕我心悠悠駕言出遊以寫我憂

鄰風載馳四章

宣姜之女爲許穆公夫人閨衛之匹馳驅而歸將以唁衛侯于漕邑未至而許之大夫有奔走跋涉而來者夫人知其必將以不可歸之義來告故心以爲憂也既而終不果歸乃作此詩以自言其意
爾
載馳載驅歸唁衛侯驅馬悠悠言至于漕大夫跋涉

我心則憂賦也

既不我嘉不能旋反視爾不臧我思不遠既不我嘉不能旋濟視爾不臧我思不閱賦也

陟彼阿丘言採其蕝女子善懷亦各有行許人尤之衆穉且狂賦也

我行其野芄芃其麥控于大邦誰因誰極大夫君子無我有尤百爾所思不如我所之賦也

衛風竹竿四章

衛女嫁於諸侯思歸寧而不得故作此詩

籊籊竹竿以釣于淇豈不爾思遠莫致之賦也

泉源在左淇水在右女子有行遠父母兄弟賦也

淇水在右泉源在左巧笑之瑳佩玉之儺賦也

淇水瀼瀼檜楫松舟駕言出遊以寫我憂賦也

詠史

漢班固

三王德彌薄惟後用肉刑太倉令有罪就逮長安城自恨身無于困急獨煢煢小女痛父言死者不可生上書詣闕下思古歌鷄鳴憂心摧折裂晨風揚激聲聖漢孝文帝惻然感至情百男何憤憤不如一緇縻

蜀路石婦

唐白居易

道傍一石婦無記復一作亦無銘傳是此鄉女為婦孝且貞十五嫁邑人十六夫征行夫行二十載婦獨守

孤煢其夫有父母老病不安寧其婦執婦道一一如禮經晨昏問起居恭順發心誠藥餌自調節膳羞必甘馨夫行竟不歸婦德轉光明後人高其節刻石像

婦形儼然整衣巾若立在閨庭似見舅姑禮如聞環珮聲至今為婦者見此孝心生不比山頭石空有望夫名

曹娥

周曇

心摧目斷哭江濱窺浪無蹤日又昏不入重泉尋水底此生安得見沈魂

宋氏五女

王建

貝州宋處士若一作廷芬五女若華若昭若倫若憲若茵

五女誓終養貞孝內自持免絲自紫紵不上青松枝晨昏在親旁閒則讀書詩自得聖人心不因儒者資少年絕音華貴絕父母詞素釵垂兩髦短窄古時衣行成聞四方徵詔環珮隨同時入皇宮聯影步玉墀

鄉中尚其風重為修茅茨聖朝有良史將此為女師

女殺虎行

元吳萊

山深日落猛虎行長風振木威擊擊父樵未歸女在室心已與虎同死生揚睛掉尾腥滿地狹路殘榛苦遭噬豈非一氣通呼吸徒以柔軀扼強鸞君不見馮婦來下車衆中無人尚負隅又不見裴將軍出鳴鏑一時較馬俱辟易丈夫英雄却不武臨事趁起汗流雨關東賢女不足數孝女千年傳殺虎

貧女行

陳泰

貧家養女纔十五手足如綿獨當戶阿爺前月去行商小弟伶仃未離母筠簋日暮挑菜菜倩人遠糴防朝炊簪花枝重黃垂額淚涸泉深綠照眉生時不得嫁時力却喜夫家慣耕織堂前供養老姑存姑為艱難少顏色夜來小弟報平安見說新年百計寬此身豈願獨溫飽父母養我良辛酸當家豈無夫與子打魚糴米出城市城中禁米難出關田上忍饑還耳水四郊未種田穀三邊催運官倉粟

銀瓶娘子辭

王遂

娘子宋岳鄂王女聞王被收負銀瓶投井死祠今在浙西憲司之左逢感其節敬為之辭

蒼梧月落烏號霜寒泉幽凝金井林綺疏光流大星白夢驚萬里長城亡女郎報父收園圃匍匐將身贖無所官家聖明如漢主妾心愧死緹縈女井臨交衢下通海枯骨還遷井不改銀瓶同沈意有在萬歲千秋露神采魂今歸來風冷然思陵無樹客啼鵲先王墓木西湖邊

金谿縣孝女廟樂歌并序
楊開
有元至正元年撫州路金谿縣新作二孝女廟成按二孝女姓葛氏在唐寶曆間以官責其父祐虧鍊白金事不勝暴酷皆發悉投冶中焚死父因獲免并其邑除坑冶之害以迄於是宜血食其土矣國子博士吳君師道既文之石而祀神之詩闕焉上元楊嗣撰為樂歌三章俾金谿之民歲時歌之以祀孝女其辭曰

靈之來兮雲旗張導旌幢兮鐙琳琅續曉曉兮相頡頏並輶軒兮歸故鄉歸故鄉兮民所望昭昭兮召洋洋庭燎輝兮夜未央椒蘭發兮鬱芬芳民報祠兮弗敢忘心屏營兮咸肅將靈格思兮民樂康

靈之甬兮澹容與雲霓凝兮翳宇宇瓊筵陳兮合簫鼓列尊疊兮酌清醑性肥脂兮承雕俎女巫進兮佳屢舞誦神德兮歌頌舉執指軀兮悟時主齊英英兮惟孝女繼茲兮今饗終古靈醉飽兮民樂胥

靈之去兮將安之儼欲旋兮森上馳互招搖兮爛祈祈遵雲路兮眷威運金有賦兮地不遺竭貨產兮民